

明

藤峽善後議

翁萬達

一曰編保甲以處新民夫苗猺之亂萌於怙險若非別里分疆剷其故宇終爲負固宜令江北一帶西自碧灘東連林崗皆南渡蓼水墾作便田江南一帶東起蒲竹西遶河源亦托處平原遠背山麓但此等新民方就繩檢如放豚憚於胥絡野鹿駭於牢籠故假借過寬則獷越之性仍在約束太驟則簡野之俗弗堪按之故牘曾有准入狼家或附編民戶者意非不美也但八狼則土

潯州府志

卷二十八

聖

蠻蠶食編民則廂里漁侵皆非善政宜倣古人保甲法度十家爲甲甲有總五甲爲保保有長各就族類擇稍有恒業能通漢音者爲之仍先計口科糧大約十取其一歲令保長徵催別貯一倉以便會稽授廛之初量給種子五年之後稍派徭差近郊之地各立墟市招致諸猺賈易貨物一月二舉委官董治使無貪攘 二曰立營堡以通江道藤峽上抵柳慶下委潯梧諸郡咽喉也曩者江介諸猺憑據地利厚其徒黨哀兇鞠頑今羣兇已剪殘黨歸降威振法行宜與更始但弩灘浪灘兩處